


مرکز توزیعی:
باب عالی جاده‌سند
(اتحاد تجارت)
کتابخانه‌سی ایله
(یکی تووکیه)
مطبعه‌سی



اداره‌خانه‌سی:
باب عالیده
(یکی تووکیه)
مطبعه‌سی فوقنده‌کی
داثره مخصوصه

علمی، ادبی، اجتماعی و شهری مجموعه در .

صاحبی، مدیری، محرری: طاهر المولوی

استراشراطی: هرسته‌نک برنجی وایکنجی آلتی آیلغندن اعتباراً
آبونه قید اولونور. سته‌لیکی اون‌ایکی نسخه
اولق اوزره پوسته اجریتله برابر (۱۰۰)، آلتی آیلغی (۵۰)
غروشدرد. ممالک اجنبیه ایچین ۵۰ و ۳۰ غروش علاوه‌سی لازمدر.

مخبرشراطی: ملتک نفعته خادم یازیلر مع‌التشکر قبول ونشر
اولونور. یازانک شخصی‌دکل، یازانک مادیقی
نظر دقته آلتینیر. کونده‌ریله‌جک آناو اوقوناقلی و مختصرجه یازیلش اولالیدور.
کنن یازیلردن شایان قبول کووولنلر تارخ صیراسیله دو ج ایدیلیر.

کچن سنه‌لره عائد و پک چوق معلومات مفیده‌بی حاوی اولان نسخه‌لری منتظماً دیکلیمش
واوزه‌درلینه قالین برز قاپاق کچیریلرک مجلد کتاب حالته کتیریلشدر. خیرالانینس اولایله‌جک
بو نفیس کتابلردن برنجیسنک موجودی بیتمش، ۸-۱۲ نجی نسخه‌لری پراکنده اولارق
قالمشدر. بئر نسخه‌سی ۱۰ غروشدرد. ۲، ۳، ۴ وه نجی جلدلرک بدلی پوسته اجریتله برابر یوزر غروشدرد. طوغروشدرد
طوغرویه اداره‌خانه‌یه داخلدن ۳۰۰، خارجدن ۳۵۰ غروش کونده‌ریلیدیکی صورتده هر درت جلدی یوللانیر.

محمّدی القعه

دعوت ایدیور « دیدیلر . فاروق اعظم ، « سن نه دیرسک ؟ » دییه ابن عباسه صوردی . اوده « بوسوز، اجل محمدینک نهایتهدیکینی بیلدیریور، جوانی ویردی .

بو جواب ، حضرت عمرک تحسینی موجب اولدی . کافه حضارده ابن عباس حقنده دمای بیغمبرینک نافذ اولدیغنی تسلیم واعتراف ایلدیلر . اوچنچی وجه — ابن عباسه منتهی اولان طرق روایتک محفوظ ومتصل اولارق هیچ بر وجهله دوجار انقطاع اولماسیدرکه اسباب یکانه اسباب رجحانده بو اولمق ایجاب ایدر . اونک ایچوندرکه علی بن ابی طالب وسائر کبی کندیسندن دهافضل اولان صحابه بولوندیغنی حالده اونلره واصل اولان طرقک انقطاعه اوغراماسی وطرق ابن عباسک ایسه اونندن وارسته بولونماسی رجحانی ایجاب ایلهمشدر .

مابعدی وار دارالفنون الیهیات فاکولتهسی تفسیر
وتاریخ تفسیر مدرسی
برغمه علی هودت

اسناد

۵

دها بوقیل و بونلره مماثل امثله وار ایسه ده تطویلدن اجتناباً بعضیلرینه اشارتله اکتفا ایدیورم . از جمله علما و اکابر صحابه نك آحاد و صحابه دن و حتی اولاد لرندن و آنلرک دوننده تابعیندن روایتلری ایلله استشهاد ایدره ز . اگر صحابه اسنادله لزوم کورمیه ایدیلر مادونلرندن ، اولاد لرندن تابعلرندن روایتله محتاج اولمقسزین ، « قال رسول الله » دییوریرلردی . حالبوکه بویله یامادیلر و یامادیلر . اصطلاح محدثینده بوقیل روایاته (روایة الاکابر عن الاصاغر) و (روایة الآباء عن الابناء) اطلاق اولنور ، بویله ایکن

صحیح اولمق شرطیله اوکا واصل اولان روایات تفسیریله بویاده علاقه دار اولان جاهیر امتک تفسیرلرندن دهافضل قبوله احری والیقدر . بوده برقاچ وجهله ثابتدر .

برنجی وجه — فخر عالم صلی الله علیه وسلم افندیمز ، بو ذات شریف حقنده فقه و تأویل ایلله ده ایتمش وشو کیفیت ۸۰۷ تاریخنده ارتحال ایدن (نورالدین علی الهیتمی) طرفندن زواند کتبسته نی جامع اولمق اوزره آلتی جلددن مرکب (زواند) نام اثرده طریق عیدیه ایلله رهین ثبوت اولمش ، حتی بخاری و مسلمده او دعالری ناطق اولان احادیث تخریج اولونمشدر .

ایکنجی وجه — بوتون صحابه ، مشار الیهک صورت عمومیه ده علمنی ، باخصوص تفسیرده کی وسعت اطلاعی بر شکل تعظیمکارانه ده تسلیم ایلله مشلدر . کرچه بدایت امرده بدرده بولونمش بونجه اختیارلر آراسنده کندیسکی برکنجه موقع امتیاز ویریله سی — « بزم ابن عباس قدر اولادمن وارکن بزمه مساوی طوتولمق شویله طورسون ، بزه ترجیحاً اوکا موقع امتیاز ویریله سی رومیدر ؟ » کی اعتراضلرک یوکسلمسنه بادی اولمشسه ده اخیراً حضرت عمر طرفندن آچیلان امتحان ، هم اونک موقع احترامه لیاقتی ، هم ده فاروق اعظم حضرتلرینک قیمتشناسلغنی میدانده حیقارمشدر . اولجه ابن عباسه چهره اشمئزاز کوسترنلره او حضرتک پیش اقتدارنده باش اکدیرمشدر . امتحان شویله در : عمر رضی الله عنه ، برکون معترضلره ابن عباسی برانچمنده جمع ایدره ک (اذا جاء نصر الله) سوره سنی موقع مذاکره قویدی و سوره نك نهایتنده کی (فسبح بحمد ربك واستغفره) نك معناسنی صوردی . بولونانلر « واجب الوجود حضرتلری ، مسلمینی فتح ونصرتی متعاقب تحمید و استغفاره

ایکی نوع روایت حصوله آئیده ایراد ایدہ جکمز (خبر جساسه) ایله صحابه نك مادونلرندن، حتی تابعیندن روایتلری سبب اولمشدر. عم نبوی حضرت عباس رضی الله عنہک (حدیثی الفضل) دییه نبی اکرم حضرت تارینک (مُزْدَلِفَه) ده آقشام ویاتسی نمازلرینی جمع بیوردقلری حدیثی اوغلی (فضل) واسطه سیله روایتی (مقدمه ابن الصلاح. ص ۱۲۷) وکذلک دیگر اوغلی (عبدالله) دن روایتی و حضرت عمرک اوغلی (عبدالله) دن روایتی و صحابه کرام دن (عبدالله بن عباس) ک، تابعیندن (کعب الاخبار) دن روا. یتلری که حدیث ایله متوغل اولانلره خفی دکلدر. هپ بواسناد احتیاج مبرمندنر. اگر اوزمان اسناد آرانمایه ایدی، صحابه کرام کندی اولادلرندن و شاگردلری دیمک اولان تابعیندن روایت ایتدکلرینی تصریح ایتیه رک (قال رسول الله) یاخود (فعل کذا کذا) دیرلردی و آنلرک مادونی طبقه، یعنی تابعین ده «مادام که صحابه در، البته رسول الله بن ایشیتمشدر» دییه حسن ظن ایدرلردی. حال ده بونی ایجاد ایدردی. بویله دوشونن کیمسه بونی پک طبیعی بولور. فقط حدیثک نه اولدیغنی و روایت نه دیمک اولدیغنی بیلنلر، لزومنی مدرکدرلر.

اگر اسناد وقت صحابه ده «پیغمبرک وفات ایتدیکی زمانده» اولمایه ایدی حضرت. عمر نیچون (حدیثی عبدالله) و حضرت عباس نیچون (حدیثی الفضل) دیرلردی. و کبار علمای صحابه دن اولان عبدالله بن عمر و عبدالله بن عباس نیچون (عن کعب الاخبار) دییه تابعیندن روایت ایدرلردی. اگر اسناد، یوقاردن ابتدا ایدهرک نزولاً کلمه یه ایدی ائمه حدیث طرفندن یاخود بعضلرینک تعبیری وجهله «حدیثلری تحریراً تثبیت ایتمش ذوات» طرفندن، آشاییدن یوقاری تشکیل ایدیلیر ایدی. مثلاً امام بخاری؛ یا مسلم، یاخود نسائی

وامثاللری (حدثنا زید حدثنا عمرو عن بکر قال حدثني عمر - یاخود عباس) دییه فاروق اعظم، یاخود عمم مکرم حضرت تارینه قدر ایصال ایتدکدن صکره آنلرک اوغوللرینی ده اسنادده ادخال ایتمه لزوم کورمه ملری پک طبیعی ایدی. بلکه بویله برشی یا پمغنی عدم لزومنه مبنی تعقل بیله ایتیه جکلردی. چونکه حضرت عمر و یا عباسک (قال رسول الله) دییه سیله مقصد حاصل اولاجقدی. جناب عمره (حدیثی عبدالله) دیدیرته جکنه (سمعت رسول الله) دیدیرتیردی. نته کیم مشارالیه مانک اوغللری توسیطیه اولمقسزین روایت ایتدکلری برحوق احادیث شریفه واردر. نیچون «حدیثی تحریراً تثبیت ایدن حدیث محررلری» بویله ایکی جدیدده بویکی بویوک صحابه ایله پیغمبر ذیشان آراسن اوغوللرینی صوقعه لزوم کورمشلر، حفظلرینه برقاچ کلمه علاوه و کتابلرینه زیاده ایتمشلر.

اگر (عبدالله) ایله (فضل) ک اسملری ده مذکور اولسون دیه یاپدیلر ایسه ترتیب طبیعی به توفیقاً اولاً اوغلی، صوکره بابایی، صوکره پیغمبری ذکر ایتمک دها مناسب اولمازمی ایدی؟ بویله یاپمایوبده بابایی اول، اوغلی صوکره ذکر ایتمک محتلق براسناد حاملنک خاطرینه کلز. خصوصاً محدثلر عندنده وسائط روایتک آزلنی مطلوب و ملتزم ایکن چوغالتمغه هیچ بر محدث راضی اولماز. بناءً علیه بویله اوغوللری قاتوب تکثیر رجال ایدہ جکلرینه دیگرلرینی چیقاروب تقلیل ایتمک قواعد موضوعه محدثینه دها موافق اولوردی. اصول حدیثده بر حدیثک رجال اسنادی آز اولورسه اوکا (سند عالی) و جوق اولورسه (سند نازل) دیرلر. بو، اصطلاح محدثنندنر. و عند اهل الحدیث سند عالی، سند نازله وجوه ایله مرجعدر. چونکه سند عالی صحته دها اقربدر.

و عقل ایله تشریک - ساعی به مساعد بر آکلاشمه
زمینی احضار ایلمکدر. امور طبیعییه بی مافوق الطبیعتیه
تقریبه توسط ایدن صورت در ، بزی صورتدن
صورتیه نقل و تحویل ایده ایده بر صورت آتمه
دوغری چکوب کوتورن خیال ، مادیاتی تلطیف ،
معنویاتی تکشیف ایدر .

خیال اولماسه یدی ، امیال طبیعییه مز ، حیواناناده
دخی کوردیکمز (مزاج) حدینی آشامازدی .
(نفس حیوانی) به فائد لذات حسیه و شهوات
طبیعییه مز (ذوق معنوی) دیدیکمز لذت ذاتیه
ماهیتیه تحول ایده مزدی ، حالت روخیه به تحویل
ایدن ، یعنی مزاجی حال یاپان بودر .

نفس حیوانی ذوق وجدانی ایله نفس انسانی
اولور . ذوق معنوی اصحابنه (انسان خیالی) ،
اصحاب مزاجهده (انسان حسی) تعبیر اولونور .
نفسک ایکی به تقسیمندن فلاطونک تعدد ارواح
مسلکنه اتباع معنایی چقاریلاماز . کثرت
صفت ، وحدت فانه منافی دکلدر . نفسک ، نفس
اماره ، نفس لئومه ، نفس ملهمه ، نفس مطمئنه ،
راضیه ، مرضیه صفتریه توصیفی دخی تقریب معانی به
محمول اعتبارات ذهنیه دن باشقه بر شی دکلدر .
بر شیدن مقصدنه ایسه ، هر هانکی بر هیئت نفسیه دن
هانکی معنی مراد اولونویورسه ، حکم ، اوکا کوره
اولور . مزاج ، حال ، اعراض دخی متقارب المعانی
الفاظ مستعمله دندر . بونلرک جمله سی بر تفاضل
نفوس مسئله سیدر . تفاضل ، پیغمبرلر آرسنده بیله
حکمی جاری بر حکمت مطلقه در .

بزده بر (شوق) وار . شوق ، اراده لذت
قابلیتی در . بوکاتورک (ایستک) ، عرب (شوق) ،
عجم (خواهش - آرزو) دیور . شهوت دیدکری ده
بودر . شهوت ، چوق کوره شهوت طبیعییه معناسنده
استعمال اولونویورسهده صوفیه ، بونی شهوت طبیعییه

محدثلر بش واسطه ایله روایت ایتدکری بر
حدیثک بر هفته لق بر مسافهده کی بر مملکتده درت
واسطه ایله روایت اولندیغنی ایشیدنجه شدرحل
ایدوب کیدرلر ، اورادن اوحدیثی استماع ایدرلردی .
ایشته بوفائده نک حصولی چوندرکه محدثین ، مملکت
مملکت کز مشلدر . بو ، بویله اولدیغنی حالده حضرت
عمره اوغلی عبداللهدن و حضرت عباسه اوغلی
فضلدن و عبدالله بن عمر ایله عبدالله بن عباسه
(کعب الاخبار) دن حدیث روایت ایتدیرمکده
« حدیثی تحریراً تثبیت ایدن » کیسه نک نه استفاده سی
اولور .

ایشته حضرت عمر و حضرت عباسک اوغللرندن
اولان بور وایتلری ده اثبات ایدرکه حدیث اسنادلری
محدثلرک صوکرده دن ایدوردقلری برشی دکلدر .

زاهر

علم خیال

۲

طبیعتی سودیرن ، طبیعتک توقفه مجبور اولدیغنی
منطقه لرك فوقنده جولان ایدن خیال در . فکر ،
طبقات طبیعتدن چوقلق اوزاقلاشاماز . علوم
عقلیه نک اساسی تصورات ذهنیه در . عقل ، اشیاء
خارجیه نک ذهنناً حاصل ایده چکی صورتلردن باشقه
بر شی دوشونه مز . بو صورتلری تزیین و تلوین
ایدن ده خیال در . بو اعتباره کوره خیاله محی الدین
عربی نک دخی تصور ایتدیکی وجهله : (لونک ملونه
سریانی کبی برشی در) . دیمکلکمز ایجاب ایدر . خیال
پک بالاپرواز بر طائر سهاوی اولدیغنی ایچون ، بعضاده
معنای وجودی اهامل ایده بیلیر ، بو اهامله (اوهام)
دیورز . علم خیالک وظیفه سی : جزئیاتی بیوتدکجه
بیودن وهمیاتی ، اورته دن قالدیرمق ، صورخیالیه مز
حد خلقت ده توقیف ایتمکدر . تعبیر دیکرله حس